


# Avi Odyans Piblik



## Pwopozisyon Evalyasyon Taks Non-Ad Valorem Frè Ramasaj Dechè Rezidansyèl Konte Miami-Dade

Konsèy Komisyònè Konte Miami-Dade pral fè yon Odyans Piblik sou pwopozisyon lis Evalyasyon Taks Non-Ad Valorem ane 2023 a nan Cham Komisyònè a nan 111 N.W. 1st Street, 2yèm etaj, Miami, Florida, 33128, madi 18 jiye 2023, a 9:30 a.m. Objektif Odyans Piblik la se pou resevwa kòmantè piblik la sou pwopozisyon lis evalyasyon taks la anvan yo pran yon desizyon final. Konsèy Komisyònè Konte a ka AMANDE oswa MODIFYE pwopozisyon evalyasyon nan odyans lan. Pwopriyetè ki ka resevwa evalyasyon taks pou byen yo genyen dwa pou yo prezante nan odyans sa a epi depoze objeksyon alekri nan Konsèy Komisyònè Konte Miami-Dade la nan lespas ven (20) jou apre avi sa a. Pwopriyetè ka voye lèt ki an rapò ak sa pa lapòs bay Depatman Jesyon Dechè Solid, Divizyon Enfòmasyon Piblik ak Sansibilizasyon, 2525 NW 62nd Street, 5th Floor, Miami, Florida 33147 oswa pa imel nan [dsvm@miamidade.gov](mailto:dsvm@miamidade.gov), make nan liy sijè a: Pwopozisyon

Ogmantasyon Frè Sèvis Dechè Solid. Tout evalyasyon taks non-ad valorem otorize pral fè pati Fakti Taks sou Pwopriyete Konbine 2023 a ki va distribiye ann oktòb e se Pèseptè a ki va kolekte yo. Dapre Lwa Eta Florid, pa peye taks non-ad valorem alè [peyab de 1ye novanm a 31 mas] va lakòz emision yon sètifikasi taks kont pwopriyete a, sa ka lakòz pwopriyètè a pèdi tit pwopriyete a.

Yon evalyasyon taks non-ad valorem se yon evalyasyon espesyal oswa frè sèvis ki pa baze sou valè pwopriyete a ak sou milaj. Ramasaj dechè solid rezidansyèl se sèvis ki finance ak evalyasyon taks non-ad valorem ki a letid oswa n ap adopte nan pwopozisyon lis evalyasyon an.

- Pou w revise yon vèsyon entèraktif kat jwografi sa a anliy pou w detèmine ogmantasyon frè ki pwopoze pou ou, tanpri vizite sitwèb sa a: <https://gisweb.miamidade.gov/SWFeeIncrease/>**

Konte Miami-Dade ofri aksè egal ak opòtinite egal nan kad anplwa epi li pa fè diskriminasyon sou baz andikap nan pwogram oswa sèvis li yo. Si ou bezwen materyèl nan lòt fòma, yon entèprèt an lang siy oswa lòt aranjman espesyal, tanpri rele (305) 375-3566 omwen kat jou alavans.